



**SLUŽBENI GLASNIK
NOGOMETNOG/FUDBALSKOG SAVEZA
BOSNE I HERCEGOVINE**

„NOGOMET/FUDBAL BIH“

**P R A V I L N I K
O STATUSU TRENERA**

Sarajevo, februar/veljača 2017. godine

Na osnovu Člana 35. Statuta Nogometnog/Fudbalskog saveza Bosne i Hercegovine, Izvršni odbor Nogometnog/Fudbalskog saveza Bosne i Hercegovine, na svojoj sjednici održanoj 24.02.2017. godine, usvaja s l i j e d e ć i

P R A V I L N I K **o statusu trenera**

Član 1.

(Opšte odredbe)

Ovim Pravilnikom se na jedinstven način reguliše pojam trenera, vrste i uslovi izdavanja takmičarskih akreditacija, validnost takmičarskih akreditacija, treneri reprezentativnih selekcija, treneri koji se takmiče u UEFA klupskom takmičenju, ugovori trenera i način rješavanja spornih pitanja.

Član 2.

(Pojam trenera)

Pod pojmom trener podrazumijevaju se lica koja imaju validnu jednu od slijedećih trenerskih licenci i to: UEFA PRO, UEFA A, UEFA B, Elitna UEFA A, UEFA A za golmane/vratare, Futsal UEFA B, Nacionalna C, Nacionalni Certifikat za golmane/vratare i Nacionalni Certifikat za Futsal.

Član 3.

(Trenerske takmičarske akreditacije)

Trenerske takmičarske akreditacije izdaje Centar za edukaciju NS/FS BiH na početku kalendarske godine, na seminarima koje organizuju Nogometni/Fudbalski savezi za onaj nivo takmičenja koji se odvija u njihovoj organizaciji.

Član 4.

(Izdavanje trenerskih takmičarskih akreditacija)

Izdavanje takmičarskih akreditacija, vrši se na ime i prezime trenera, kluba koji vodi i selekcije koju vodi. Pomenuti podatci se unose u Komet sistem i prestankom angažmana u pomenutom klubu i selekciji, prestaje da važi i Takmičarska akreditacija. Dakle, mogu uzeti takmičarsku akreditaciju samo oni treneri koji imaju angažman u određenom klubu u radu sa tačno određenom selekcijom. Treneri bez angažmana, ne mogu dobiti takmičarsku akreditaciju.

Član 5.

(Vrste takmičarskih akreditacija)

NS/FS BiH da bi pokrio sve nivoe takmičenja u BiH, utvrđuje postojanje slijedećih takmičarskih akreditacija za trenere i to:

- a) Takmičarska akreditacija PRO,
- b) Takmičarska akreditacija A,

- c) Takmičarska akreditacija B,
- d) Takmičarska akreditacija Elitna omladinska A,
- e) Takmičarska akreditacija A za golmane/vratare,
- f) Takmičarska akreditacija Futsal B,
- g) Takmičarska akreditacija Nacionalna C,
- h) Takmičarska akreditacija Nacionalnog Certifikata za Futsal,
- i) Takmičarska akreditacija Nacionalnog Certifikata za golmane/vratare,
- j) Takmičarska akreditacija Nacionalna C.

Član 6.

(Ekvivalentnost takmičarskih akreditacija)

Takmičarske akreditacije iz Člana 4. ekvivalentne su postojanju validnih adekvatnih UEFA licenci, Nacionalnih certifikata i Nacionalnih licenci iz Člana 5. ovog Pravilnika.

Član 7.

(Uslovi za dobijanje takmičarske akreditacije)

Za dobijanje bilo koje takmičarske akreditacije za nastupajuću kalendarsku godinu, potrebno je ispuniti slijedeće uslove:

1. Dostaviti zahtjev od kluba za izdavanje adekvatne takmičarske akreditacije, određenom treneru za vođenje tačno određene selekcije tog kluba,
2. Dostaviti kopiju validne UEFA licence ili Nacionalne licence i certifikata,
3. Biti prisutan jednodnevnom seminaru, koji organizuje svaki savez za svoje nivo takmičenja a realizira ga Centar za edukaciju NS/FS BiH,
4. Dvije fotografije (dimenzija kao za ličnu/osobnu kartu),
5. Uvjerenje o državljanstvu (samo za klubove Premijer i Prve lige BiH).

Član 8.

(Podaci koje sadrži takmičarska akreditacija)

Takmičarska akreditacija u sebi sadrži slijedeće podatke:

- nivo takmičenja (naprimjer: Takmičarska akreditacija PRO),
- ime i prezime trenera,
- naziv kluba koji je dostavio zahtjev za izdavanje takmičarske akreditacije,
- Selekcija za koju se izdaje takmičarska akreditacija (naprimjer: seniori),
- Pozicija trenera (naprimjer: glavni trener, prvi pomoćnik, trener golmana),
- broj takmičarske akreditacije,
- sliku,
- datum validnosti takmičarske akreditacije,
- Potpise Predsjednika, Generalnog sekretara i Rukovodioca Centra za edukaciju NS/FS BiH.

Član 9.

(Uslovi za izdavanje takmičarske akreditacije stranim državljanima)

Za izdavanje takmičarskih akreditacija, stranim državljanima uz uslove iz Člana 7. ovog Pravilnika, potrebno je dostaviti i dozvolu za rad na teritoriji BiH izdatu od nadležnog organa.

Član 10.

(Treneri čija je edukacija u toku)

Treneri koji su započeli edukaciju na nekom kursu i njihova edukacija je u toku, mogu dobiti takmičarsku akreditaciju tog nivoa za jednu kalendarsku godinu. Izuzetak su polaznici PRO kursa koji dobijaju takmičarsku akreditaciju za dvije kalendarske godine. Da je nečija edukacija u toku, neophodno je da polaznik određenog kursa u cijelosti odsluša bar jedan semester ili modul tog kursa.

Član 11.

(Organizatori seminara za izdavanje takmičarskih akreditacija)

Takmičarsku akreditaciju izdaje Centar za edukaciju trenera N/FS BiH, a organizatori seminara su savezi koji su nadležni za određeni nivoa takmičenja. Seminari se zakazuju u kordinaciji pomenutih saveza i Centra za edukaciju.

Član 12.

(Prihodi od seminara za izdavanje takmičarskih akreditacija)

Uplate po osnovu učešća na seminaru za takmičarske akreditacije se vrše na račun nogometnih/fudbalskih saveza koji su organizatori seminara u iznosima koje samostalno utvrde izvršni odbori tih saveza. Sva prikupljena sredstva predstavljaju prihod savezu koji je organizator seminara za akreditovanje trenera.

Član 13.

(Validnost takmičarskih akreditacija)

Takmičarske akreditacije izdaju se u principu početkom godine, prije početka drugog dijela prvenstva. Validnost trenerske akreditacije se odnosi na tekuću godinu i ističe 31.12. godine u kojoj je izdata. Takmičarske akreditacije mogu biti izdate i na i kraće vrijeme ako nisu ispunjeni svi uslovi za izdavanje takmičarske akreditacije do kraja tekuće godine.

Član 14.

(Naknadno izdavanje takmičarskih akreditacija)

Naknadno izdavanje takmičarskih akreditacija je moguće u izuzetnim situacijama, kada dođe do zamjene postojećeg trenera novoangažovanim trenerom na istu poziciju. Izdavanje takmičarske akreditacije u ovakvim situacijama se vrši na zahtjev kluba koji dostavlja svu neophodnu dokumentaciju iz Člana 7. Uz ispunjavanje uslova iz Člana 7. (izuzev stava 3), Centar za edukaciju trenera će naknadno izdati takmičarsku akreditaciju.

Član 15.

(Takmičarske akreditacije neophodne za odgovarajući nivo takmičenja)

Za odigravanje Prvenstvenih i Kup utakmica, svaka Nogometna/Fudbalska ekipa mora imati trenera sa odgovarajućom Takmičarskom akreditacijom za taj nivo takmičenja i za tu selekciju i to:

- I) **Takmičarska akreditacija PRO neophodna je za rad kao:**
- Glavni trener prvog tima u klubovima Premijer lige BiH,
 - Šef programa za razvoj omladinskog fudbala/nogometa u klubovima Premijer lige BiH (najkasnije od početka sezone 2018/19);
 - Glavni trener prvog tima u klubovima Prve lige Federacije BiH i Prve lige Republike Srpske (najkasnije od početka takmičarske sezone 2018/19);
 - Trener sa svim uzrastnim kategorijama i nivoima takmičenja za koja je neophodna Takmičarska akreditacija A ili B;
- II) **Takmičarska akreditacija A neophodna je za rad kao:**
- Pomoćni trener prvog tima u klubovima Premijer lige BiH;
 - Glavni trener prvog tima u klubovima Prve lige Federacije BiH i Prve lige Republike srpske (najduže do početka sezone 2018/19);
 - Šef programa za razvoj omladinskog fudbala/nogometa u klubovima Premijer lige BiH (najduže do početka sezone 2018/19);
 - Šef programa za razvoj omladinskog fudbala/nogometa u klubovima Prve lige Federacije BiH i Prve lige Republike srpske (najkasnije od početka takmičarske sezone 2018/19);
 - Pomoćni trener u klubovima Prve lige Federacije BiH i Prve lige Republike srpske (najkasnije od početka takmičarske sezone 2018/19);
 - Glavni trener prvog tima u ženskim klubovima Premijer lige BiH;
 - Glavni trener prvog tima u ženskim klubovima Prve lige Federacije BiH i Prve lige Republike Srpske (najkasnije od početka takmičarske sezone 2018/19);
 - Glavni treneri i treneri pomoćnici, (ženskih i muških) prvih timova, koji se takmiče, u organizaciji Nogometnih saveza Kantona u Federaciji BiH i Opštinskih i Područnih Fudbalskih saveza u Republici srpskoj (najkasnije od početka takmičarske sezone 2020/21);
 - Trener sa svim uzrastnim kategorijama i nivoima takmičenja za koja je neophodna Takmičarska akreditacija B;
- III) **Takmičarska akreditacija B neophodna je za rad kao:**
- Glavni trener elitnih omladinskih selekcija (Juniori U18 i Kadeti U16) koji se takmiče na nivou Premijer lige, (najduže do početka takmičarske sezone 2019/20);
 - Glavni treneri i treneri pomoćnici koji vode muške i ženske omladinske selekcija (U-18, U-16, U-14, U-12 i U-10), koje se takmiče u organizaciji Nogometnog saveza Federacije BiH i Fudbalskog saveza Republike srpske;
 - Pomoćni trener u klubova Prve lige Federacije BiH i Prve lige Republike Srpske (najduže do početka takmičarske sezone 2018/19);
 - Šef programa za razvoj omladinskog fudbala/nogometa u klubovima Prve lige Federacije BiH i Prve lige Republike srpske (najduže do početka takmičarske sezone 2018/19);
 - Glavni trener prvog tima u ženskim klubovima Prve lige Federacije BiH i Prve lige Republike Srpske (najduže do početka takmičarske sezone 2018/19);
 - Pomoćni treneri prvog tima u ženskim klubova Premijer lige, Prve lige Federacije BiH i Prve lige Republike Srpske;
 - Glavni treneri i treneri pomoćnici koji vode muške i ženske prve timove a koji se takmiče u Drugim ligama Nogometnog saveza Federacije kao i u Drugim i Regionalnim ligama u organizaciji Fudbalskog saveza Republike srpske;

- Glavni treneri i treneri pomoćnici, (ženskih i muških) prvih timova, koji se takmiče, u organizaciji Nogometnih saveza Kantona u Federaciji BiH i Opštinskih i Područnih Fudbalskih saveza u Republici srpskoj (najkasnije od početka takmičarske sezone 2020/21);
- IV) Takmičarska akreditacija Nacionalna C neophodna je za rad kao:**
- Glavni treneri i treneri pomoćnici, (ženskih i muških) omladinskih selekcija svih uzrasnih kategorija (od 6 do 18.godina), koje se takmiče, u organizaciji Nogometnih saveza Kantona u Federaciji BiH i Opštinskih i Područnih Fudbalskih saveza u Republici srpskoj
 - Glavni treneri i treneri pomoćnici, (ženskih i muških) prvih timova, koji se takmiče, u organizaciji Nogometnih saveza Kantona u Federaciji BiH i Opštinskih i Područnih Fudbalskih saveza u Republici srpskoj (najduže do početka takmičarske sezone 2020/21);
- V) Takmičarska akreditacija Elitna omladinska A neophodna je za rad kao:**
- Glavni trener Elitnih omladinskih selekcija (Juniori U18 i Kadeti U16) koji se takmiče na nivou Premijer lige, (najkasnije od početka takmičarske sezone 2019/20);
 - Glavni trener Elitnih omladinskih selekcija (Juniori U18 i Kadeti U16) koji se takmiče na nivou Prve lige Nogometnog saveza Federacije i Prve lige Fudbalskog saveza Republike srpske, (najkasnije od početka takmičarske sezone 2021/222);
- VI) Takmičarska akreditacija A za Golmane/vratare neophodna je za rad kao:**
- Trener golmana/vratara prvog tima u klubovima Premijer lige BiH (najkasnije od početka takmičarske sezone 2019/20);
 - Trener golmana/vratara prvog tima u klubovima Prve lige NS Federacije BiH i Prve lige FS Republike srpske (najkasnije od početka takmičarske sezone 2021/22);
- VII) Takmičarska akreditacija za Futsal neophodna je za rad kao:**
- Glavni trener i trener pomoćnik prvog tima u klubovima Futsal Premijer lige BiH (najkasnije od početka takmičarske sezone 2019/20);
 - Glavni trener i trener pomoćnik prvog tima u klubovima Futsal Prve lige NS Federacije BiH i Prve lige FS Republike srpske (najkasnije od početka takmičarske sezone 2020/21);
 - Glavni trener i trener pomoćnik svih omladinskih muških i ženskih klubovima Futsala, koji se takmiče u organizaciji Nogometnog/fudbalskog saveza BiH, NS Federacije BiH i FS Republike srpske (najkasnije od početka takmičarske sezone 2021/22);
- VIII) Takmičarska akreditacija Nacionalni certifikat za golmane/vratare neophodna je za rad kao:**
- Trener golmana/vratara prvog tima u klubovima Druge lige NS Federacije BiH i Druge lige FS Republike srpske (najkasnije od početka takmičarske sezone 2021/22);
 - Trener golmana/vratara svih omladinskih selekcija (od 6 do 18 godina) ženskih i muških i svih nivoa takmičenja izuzev takmičenja koja su u organizaciji Nogometnih saveza Kantona u Federaciji BiH i Opštinskih i Područnih Fudbalskih saveza u Republici srpskoj (najkasnije do početka takmičarske sezone 2021/22);

IX) Takmičarska akreditacija Nacionalni certifikat za Futsal neophodna je za rad

kao:

- Glavni trener i trener pomoćnik prvog tima u klubovima Futsal Premijer lige BiH (najduže do početka takmičarske sezone 2019/20);
- Glavni trener i trener pomoćnik prvog tima u klubovima Futsal Prve lige NS Federacije BiH i Prve lige FS Republike srpske (najduže do početka takmičarske sezone 2020/21);
- Glavni trener i trener pomoćnik svih omladinskih i ženskih klubovima Futsal koji se takmiče u organizaciji Nogometnog/fudbalskog saveza BiH, NS Federacije BiH i FS Republike srpske (najduže do početka takmičarske sezone 2021/22);

Član 16.

(Treneri reprezentativnih selekcija)

Treneri reprezentativnih selekcija ne trebaju posjedovati takmičarske akreditacije, validne odgovarajuće UEFA licence regulisane Pravilnikom o radu reprezentativnih selekcija.

Član 17.

(Treneri koji se takmiče u UEFA klupskim takmičenjima)

Za trenere koji rade u klubovima koji su izborili plasman za UEFA-ina klubska takmičenja važe odredbe propisane Pravilnikom o radu reprezentativnih selekcija i Pravilnikom o licenciranju klubova Nogometnog/Fudbalskog saveza BiH.

Član 18.

(Bitni elementi ugovora)

Trener i Nogometni/Fudbalski klub (u daljnjem tekstu klub) zaključuju međusobni ugovor na osnovu ukazane potrebe i slobodno izražene volje obje strane. Ugovor mora sadržavati slijedeće elemente:

- Ačne opšte podatke obje strane potpisnice ugovora,
- datum zaključivanja ugovora,
- vrijeme početka i vrijeme završetka ugovora,
- obaveze trenera prema klubu,
- obaveze kluba prema treneru.

Prilikom sklapanja ugovora između trenera i kluba, poželjno je u ugovoru precizirati ugovorne obaveze obje strane u slučaju prijevremenog raskida ugovora, odnosno ugovorne obaveze koje proističu jednostranim raskidom ugovora jedne od potpisnica ugovora.

Član 19.

(Vrste ugovora)

Vrste ugovora mogu biti:

- Ugovor o radu (na određeno ili neodređeno vrijeme) ili
- Ugovor o djelu (privremeni i povremeni poslovi)

Član 20.

(Trener sa važećim ugovorom)

Trener s važećim ugovorom može zaključiti ugovor s drugim klubom samo pod slijedećim uslovima:

- a) važeći ugovor je istekao ili ističe u roku od mjesec dana,
- b) postojeći ugovor je raskinut od strane nadležnog suda,
- c) ugovor je raskinut sporazumno.

Ukoliko trener želi potpisati novi ugovor u roku od mjesec dana prije isteka postojećeg ugovora, može u tom razdoblju potpisati samo jedan novi ugovor.

Član 21.

(Raskid ugovora)

Ugovor prestaje da važi:

- momentom isteka vremena na koji je zaključen,
- sporazumnim raskidom obje strane potpisnice ugovora,
- pismenim jednostranim raskidom od strane trenera ili kluba,
- konačnom odlukom nadležnog organa o raskidu ugovora i
- po sili zakona.

Član 22.

(Rješavanje sporova)

Sporove između kluba i trenera rješava nadležni sud naveden u ugovoru.

Član 23.

(Obaveze koj proističu iz ovog Pravilnika)

Ovim pravilnikom se obavezuju savezi svih nivoa takmičenja, svi klubovi, nogometne/fudbalske škole i akademije da postupaju po odredbama ovog Pravilnika.

Član 24.

(Prelazne i završne odredbe)

Pravilnik stupa na snagu danom objave u Službenom glasniku NS/FS BiH, a klubovi i savezi svih nivoa takmičenja su dužni da u roku od 60 dana svoje propise usklade sa ovim Pravilnikom računajući od dana objave. Stupanjem na snagu ovog Pravilnika prestaju da važe propisi koji su regulisali ovu problematiku.

PREDSJEDNIK
Elvedin Begić